

**AM DIALOG**

**KLENG- A MËTTELBETRIBER:  
ÄR SUERGE SINN EIS  
PRIORITÉIT**



AN DER CHAMBER

A PRÄENZ  
VUM  
PREMIERMINISTER  
LUC  
FRIEDEN

**DËNSCHDEG, DEN 12. MEE 18:30 AUER AM INSTITUT DE  
FORMATION SECTORIEL DU BÂTIMENT (IFSB) ZU BEETEBUERG**



D'CSV ass 2023 ugetrueden, fir d'Land ze moderniséieren a besser fir d'Zukunft opzestellen. D'Regierung huet an deem Sënn scho villes aus hirem Programm ëmgesat. An d'Deputéiert vun der CSV hunn dese Prozess duerch hir legislativ Aarbecht an der Chamber konstruktiv a kritesch begleitet. Zesumme gëtt eng Politik aus engem Goss gemaach – am Interessi vun Iech a vum Land.

Eng ganz Rei Versprieche aus dem Walkampf goufen ëmgesat:

- D'Kafkraaft gouf gestärkt duerch Upassunge vun der Steiertabell
- Geziilt Steiermesuren, gehéichte sozial Hëllef a vereinfacht Prozeduren ënnerstëtze staark déi am meeschte vum Aarmutsrisiko bedroete Stéit
- Fir d'Wirtschaft ze stäipen, gouf an Infrastrukturprojeten investéiert an d'Betriebssteuer erofgesat
- Mat 51 Moosname ginn d'erneierbar Energië méi séier ausgebaut
- D'Sécherheet gouf gestärkt duerch méi Polizisten a lokal Police-Unitéiten
- Vereinfacht Prozeduren, fir méi a méi séier ze bauen, an den Opkaftprogramm vun Neibau-Wunnenge goufen op de Wee bruecht.

D'CSV huet den Usproch, politesch Entscheedunge mat Courage a Verantwortung ze huelen, ëmmer mam kloren Zil, dat Beschit fir Lëtzebuerg a seng Mënschen z'erreechen. Grad a schwéieren Zäite brauch eist Land Courage fir nei Weeër ze goen an eng Politik, déi Stabilitéit, Zesammenhalt an eng sécher Zukunft fir jidderee garantéiert.

Mir komme bei Iech a géingen eis freeën, Iech op eise Themen-Owend kënnen ze begréissen.

**LAURENT ZEIMET**

**FRAKTIONSPRÉSIDENT**

**LUC FRIEDEN**

**PREMIERMINISTER**



LINK OP DE  
REGIERUNGSSITE  
VUM MARC SPAUTZ

**MARC SPAUTZ**

63, SCHÉFFLENG,  
MECANICIEN,  
MINISTER

Zanter sengem Amtsuntrëtt am leschten Dezember huet de Marc Spautz sech dofir agesat, de Sozialdialog ze stäerken. Mat senger Erfahrung um Terrain a ville Joren an der Chamber kennt hien d'Realitéte vum der Aarbechtswelt, déi sech stänneg verännert. Fir hien ass kloer: De Sozialdialog däerf sech net op bilateral Gespréicher beschränken. Nohalteg Léisungen entstinn, wann all d'Partner sech un een Dësch sëtzen an hir Verantwortung iwwerhuelen.

D'Bierger erwaarde konkret Fortschreitter – keng endlos Diskussiounen iwwert d'Form a keng intern Streidereien, mee Resultater am Interessi vun de schaffende Leit an de Betriber am Land.

Stéllstand ass fir de Marc Spautz keng Optioun, dofir wëll hien seng Prioritéite weider ëmsetzen:

- méi Kollektivverträg an eise Betriber mat Hëllef vun engem gezielten Aktiounsplang
- d'Aarbechtsinspektioun (ITM) moderniséieren, mat Fokus op Preventioun a Sécherheet
- d'Aarbechtskonditioune vun de Plattformarbechter verbesseren



Aarbechtsminister

- d'Aarbechtszäit-Organisatioun un d'Bedierfnesser vun de Salaréien an un d'Realitéte vun den Entrepreneuren upassen
  - d'Reegele fir d'Preretraite iwwerschaafen
- Mat engem kloren Kompass: sënnvoll Reformen virubringen, no un der Realitéit an op d'Zukunft ausgeriicht.



LINK OP DE  
REGIERUNGSSITE  
VUM GILLES ROTH

**GILLES ROTH**

59, MAMER,  
JURIST,  
MINISTER

Méi Netto vum Brutto. Entlaaschtung fir déi breet schaffend Mëtt. Versprach. Geliwwert. Fir mateneen ze wuessen. Fir sozialen Zesammenhalt. Fir de Lëtzebuerger Modell. Mir hale weider Kurs. Mat Zouversicht a Perspektiven. Fir Land a Leit. Dat sinn déi politesch Prioritéite vum Gilles Roth.

Déi wichtegst Projeten:

- Steierreform Eenheetlech Steierklass
  - Déi Eenheetlech Steierklass gouf am Januar deposéiert. All Famill gëtt gläich behandelt. Mat Entlaaschtung fir déi meescht. Kee verléiert. Mat laangen Iwwergangszäite fir bestuete Koppelen. Déi familljefrëndlechste Steierreform, déi et jeemols gouf
- Entlaaschtungs-Pak
  - Den Entlaaschtungs-Pak vu Juli 2024 huet de Leit méi Kafkraaft ginn an d'Wettbewerbsfäegkeet vun de Betriber gestärkt. Zanter Januar 2024 gouf d'Steiertabell fir d'Leit ëm 6,5 Index-Tranchë berengegt
- Neie Schwong fir de Wunnengsbau
  - „Neie Schwong fir de Wunnengsbau an Ënnerstëtzung fir Leit an Handwerk“. Am Januar 2024 goufen eng sëllegen Hëllef lancéiert. Fir de Leit een Doheem ze ginn an de Bau erëm unzekuerbelen



Finanzminister

- Stärkung vun eiser Finanzplaz
  - Eis Finanzplaz dréint. Si huet sech diversifizéiert, moderniséiert an digitaliséiert. Dës Erfollegsgeschicht gëtt begleitet vu Finanzmissiounen an aller Welt
- Budget 2026 „Mateneen wuessen“
  - Eng nohalteg a sozial Finanzpolitik mat 3 Budgete fir eise „Mateneen wuessen“. Mat Sozial-Transferten vu 46%, Rekord-Investitiounen, Triple A an Triple S a gesonde Staatsfinanzen.



## MARTINE DEPREZ

57, DIDDELENG,  
MATHEMATIKERIN,  
MINISTESCH

LINK OP DE  
REGIERUNGSSITE  
VUM MARTINE DEPREZ



Ministesesch fir Gesondheet  
a sozial Sécherheet

D'Gesondheet vun eis alleguerten an ee qualitativ héichwärtigen Accès zu medezinesche Leeschtunge fir jidderee stinn am Mëttelpunkt vum politeschen Engagement vum Martine Deprez. An deem Sënn ass eng gutt Orientéierung an eng strategesch organiséiert Preventiounspolitik hir Prioritéit: si setzt sech dofir an, datt d'Gesondheet vun de Kanner schonn a ganz jonkem Alter méi genee suivéiert gëtt, well déi éischt Dausend Deeg an der Entwécklung vum Kand entscheidend kënne sinn. Och huet si nei Weeër ageleet fir den Depistage vu

Krankheeten ze verstärken an ze verbesseren. Doriwer eraus ass déi mental Gesondheet, a besonnesch déi vun eise Jonken, e weidere wichtege Fokus.

Aner wichteg Projete sinn:

- eng besser Koordinatioun a Vernetzung bei den Urgencen
- d'Verbesserung vum Accès zu medezinesche Leeschtungen, och ausserhalb vun de Spideeler
- d'Digitaliséierung vum Gesondheetssystem, mat engem moderniséierte Patientendossier an enger besserer Datevernetzung tëscht allen Acteure
- eng zentral Akaaftstell fir kritesch Medikamenter a Gesondheitsmaterial fir eng méi resilient a sécher Versuergung

Als Ministesch fir sozial Sécherheet huet si d'Bevëlkerung an eng grouss Diskussioun iwwert d'Zukunft vun eisem Pensiounssystem agebonnen, an doraus éischt Jalone gesat, fir eise Pensiounssystem méi sécher a méi nohalteg ze gestalten. Virun allem déi Jonk goufe, a ginn och weider, ganz staark agebonnen, well et geet em hir zukünftige Ofsécherung.

## LAURENT ZEIMET

51, BEETEBUERG,  
AFFEKOT,  
DEPUTÉIERTEN



### CHAMBERAARBECHT:


- De Fraktiounspresident positionéiert d'CSV bei den Debatten zum Staatsbudget:
  - Fir 2026 huet de Laurent ervirgehuewen, dass de Budget déi Schwächst an eiser Gesellschaft duerch cibléiert a méi effikass sozial Moosnamen ënnerstëtzt. Donieft gëtt awer och d'Zukunftsfäegkeet vum Land duerch héich Investitiounen an Infrastrukturen, an Educatioun, Ëmwelt, Digitaliséierung an Innovatioun, gestärkt. Hie verbënnt also déi sozial, wirtschaftlech an ekologesch Verantwortung vum Staat. D'Staatsschuld bleibt derbäi stabil zur Wirtschaftskraft - de Budget ass deemno nohalteg a wierkt och fir déi kommend Generatiounen
- De Laurent ass als President vun der Institutiounekommissioun mat juristeschkonstitutionelle Froe befaasst:
  - Hien ass Member vum Aarbechtsgrupp zum Statut vum Deputéierten
  - Hie moderéiert d'Diskussiounen iwwer d'Reform vum Walgesetz
  - Fir d'CSV ass d'Chamber den éischte Biergerrot vum Land an d'CSV setzt éischer op een offenen Dialog mat de Bierger, wéi weider Institutiounen ze schafen. Gäre géing hien d'Méiglechkeet vum elektronische Vott aféieren
- Als Spriecher fir Aussepolitik huet de Laurent d'CSV-Positioun zum Ukrain-Krich an zu de Konflikter am Noen Osten an Zäite vum „Trumpismus“ vertrueden. D'CSV steet zum Existenzrecht vun Israel a fir en demokratescht a fräit Palästina. D'CSV steet op der Säit vun der demokratescher Bewegung am Iran an huet sech fir d'Astufung vun de „Revolutionsgarden“ als terroristesch Organisatioun agesat

Justiz an Institutiounen wäerten d'Schwéierpunkte vu senger Chamberaarbecht sinn.

### KOMMISSIONEN:

President vun der  
Institutiounekommissioun  
Vize-President vun der  
Kommissioun fir Aussen- an  
Europapolitik, Kooperation,  
Aussenhandel a Groussregioun  
Member Finanzkommissioun  
Member Justizkommissioun

”  
**Mir kënnen d'Welt  
net eleng änneren,  
mee mir mussen  
eng Stëmm bleiwen,  
déi fir Fridden a  
Fräiheet steet.** “



LINK OP DE CHAMBER SITE  
VUM LAURENT ZEIMET



## NANCY ARENDT

56, MONNERECH,  
CHARGÉE DE COURS,  
DEPUTÉIERT

### KOMMISSIONEN:

Presidentin vun der Lëtzebuerger Delegatioun bei der parlamentarescher Versammlung vun der NATO

Vize-Presidentin vun der Defensekommissioun

Vize-Presidentin vun der Petitiounskommissioun

Member Kommissioun fir Aussen- an Europapolitik, Kooperation, Aussenhandel a Groussregioun

Member Interieurskommissioun (Volet Police)

Member Kommissioun fir Héichschoul, Fuerschung an Digitaliséierung

### CHAMBERAARBECHT:

- Als Presidentin vun der Lëtzebuerger Delegatioun bei der parlamentarescher Versammlung vun der NATO ass d’Nancy Spriecherin fir all Debatt iwwer dëst Bündnis. Zur Ausrichtung an Erhéijung vun de finanziellen NATO-Ziler seet si, dass kee Loscht op méi héich Militärausgaben hätt, mä Fridden a Sécherheet géif et net fir näischt ginn. D’Investitiounen an Zukunftstechnologë wéi Dronen a Cyber-Sécherheet, an och d’Finanzplaz kéinten eng wichteg Roll spillen. D’Zil wier net eng Remilitariséierung, mee d’Fräiheet a Sécherheet vun de Bierger an Europa z’erhalen
  - D’Nancy ass houfreg, dass d’Petitiounen ënnert hirer Presidentschaft (bis 2023) staarken Opdriff a Beléiftheet kritt hunn. Et ass hir immens wichteg, dass d’Politik op d’Bierger lauschtert a si matgestalte léisst. Grad esou houfreg ass si, dass déi onofhängeg Ulaftell fir Kanner an Affer vu sexuellem Mëssbrauch, déi si an enger Motioun gefuedert hat, Realitéit gouf an dass d’Gesetz zum sexuelle Mëssbrauch entsprechend verschäerft ginn ass. Dëse Sujet ass elo keen Tabu méi, betount si
  - Sujete vun Nancy hire sëllege parlamentaresche Froe si virun allem Gläichstellung, Sport a Bewegung an all Alter, awer och Fraegesondheet
- D’Nancy wäert sech nieft de Sujete Gesondheet a Sport, mat Chancegläichheet a Sécherheet befaassen.



”  
**Lëtzebuerg huet sech laang op seng Partner, virun allem d’USA, verlooss. Elo ass et Zäit, Verantwortung ze iwwerhuelen.**  
“

LINK OP DE CHAMBER SITE  
VUM NANCY ARENDT



## FÉLIX EISCHEN

60, KIELEN, FRÄIBERUFFLER,  
BUERGERMEESCHTER,  
DEPUTÉIERTEN



### KOMMISSIONEN:

Member Kommissioun fir Wirtschaft, PME an Energie

Member Kommissioun fir Landwirtschaft, Ernährung a Wäibau

Member Sportskommissioun

Member Kommissioun fir Wunnengsbau a Landesplanung

Member Defensekommissioun

Member Kommissioun fir Mobilitéit an ëffentlech Bauten

Member Kommissioun fir d’Exekutioun vum Budget

### CHAMBERAARBECHT:

- De Félix war bis viru kuerzem President vun der Kommissioun fir Medien a Kommunikatioun
  - Do hunn d’Aarbechten ugefaangen zur Reform vum Pressegesetz. Haaptpunkte sinn hei d’Aféierung vum speziellen Informatiounszougang fir Journalisten, d’Upassung vun der Pressehëllef an eng aktualiséiert Definitioun vum Berufsjournalist
  - Och dat neit Mediegesetz gouf virgestallt mat virop der Reform vun der Medienopsicht
- De Félix Eischen war den CSV-Spriecher zu der Finanzéierung vum Busreseau vun den CFL. Bis 2035 ginn hei 692 Milliounen Euro investéiert. De Süd-Deputéierten huet sech och agesat, dass de Busreseau TICE nei opgestallt a seng Finanzéierung ofgeséichert gëtt. Hie war Co-Auteur vun enger Motioun, déi d’Regierung dozou opgefuedert huet, d’Zukunft vum TICE ze assuréieren. Dës Motioun gouf vu sämtleche Parteien an der Chamber gedroen
- An enger fräier Tribün huet de Félix och Positioun bezunn zum Handelsaccord Mercosur tëscht der EU a verschiddene südamerikanesche Staaten. Mat méi Handelsaccorde gëtt eis Liwwerketten och méi diversifizéiert, huet hie betount. Mir sinn also manner ofhängeg vu China an den USA a stäerken domadder d’Resilienz vun der EU. Besser Handel mat Accord wéi ouni, well doduerch déi héich Standarde vun der EU garantéiert ginn

De Félix wäert sech virun allem ëm d’Froe vun der Mobilitéit an der Fërderung vun de Kleng- a Mëttelbetriber këmmern.



”  
**Mir brauchen een ëffentlechen Transport vun héijer Qualitéit a mat manner Schuedstoffer fir d’Ëmwelt.**  
“



LINK OP DE CHAMBER SITE  
VUM FÉLIX EISCHEN



## FRANÇOISE KEMP

34, DIDDELENG, DOCTEUR EN BIOLOGIE AN DATENANALYSTIN, GEMENGECONSEILLÈRE, DEPUTÉIERT

### KOMMISSIONEN:

Presidentin vun der Kommissioun fir Santé a Sozialversécherung

Presidentin vun der Kommissioun fir Medien a Kommunikatioun

Vize-Presidentin vun der Kommissioun fir Héichschoul, Fuerschung an Digitaliséierung

Member vun der Aarbechtskommissioun

Member Kommissioun fir Ëmwelt, Klima a Biodiversitéit

Member Kommissioun fir Famill, Solidaritéit, Zesummeliewen, Gläichstellung an Diversitéit

Member Kommissioun fir d'Exekutioun vum Budget

### CHAMBERAARBECHT:

- D'Pensionsreform gouf iwwer 18 Méint mat enger breeder Consultatioun virbereet. Zil war, ee gemeinsame Sockel ze entwéckelen, deen en Equiliber tëscht der Ofsécherung, Viabilitéit vum System, an dem Erhale vu senge soziale Fundamenter, erméiglecht. D'Françoise war Rapportrice vun dese Mesuren:
  - Déi néideg Dauer vu Versécherungsperiode gëtt a verschidde Fäll liicht a graduell erhéicht
  - D'Studiejore gi méi flexibel ugerechent
  - Am Privatsecteur gëtt d'Méiglechkeet fir eng progressiv Pensioun agefouert
  - D'Cotisatioune ginn ëm een hallwe Prozentpunkt souwuel fir d'Salariéeën, wéi och fir de Staat an de Patron an d'Luucht
- Och am Gesondheitsberäich ginn et Reformen, fir déi d'Françoise Spriecherin war:
  - Déi sougenannt Nikotinsäckelcher ginn net verbueden, mee reglementéiert. Den Nikotingehalt gëtt limitéiert, de Verkaf u Mannerjäreger verbueden, an de Marché gëtt kontrolléiert
  - D'Gesetz zur Spidolsplanifikatioun gesäit 200 zousätzlech Better vir
  - D'Spideeler kënnen op hiren zousätzleche Sitte fir ambulante Soinen elo och kleng Agrëff an der Dermatologie an der Ophtalmologie maachen
- Si huet awer och oft d'Wuert ergraff an der Chamber:
  - Zu den Auswierkunge vum Klimawandel op d'Aarbechtswelt
  - Zum Nationale Gesondheitsplang
  - Zur Santé publique

D'Françoise wäert sech besonnesch fir den Erhalt vum solidaresche Gesondheetssystem asetzen.

LINK OP DE CHAMBER SITE VUM FRANÇOISE KEMP



## GEORGES MISCHO

51, ESCH/UELZECHT, SPORTPROFESSOR, DEPUTÉIERTEN



### KOMMISSIONEN:

Member Kommissioun fir Santé a Sozialversécherung

Member Kommissioun fir Medien a Kommunikatioun

Member Kommissioun fir d'Fonction publique

Member Kulturkommissioun


### CHAMBERAARBECHT:

- De Georges gouf eréischt den 20. Januar 2026 am Parlament vereedegt. Zanterhier huet hie verschidde parlamentaresch Froe gestallt, wéi zur Zukunft vun der Gebléishal zu Esch-Belval oder der Sécherheet vun de Passagéier am öffentlechen Transport
- A senger Zäit als Minister fir Aarbecht a fir Sport huet hie verschidde Projeten op den Instanzewee geschéckt, déi deels och scho gestëmmt sinn. Wéi d'Sonndesaarbecht, déi op bis zu 8 Stonnen eropgeet, d'Upassung vun de Beschäftigungsmesurë fir Jonker oder d'Méiglechkeet, de Chômage och online kënnen unzufroen. Als Sportminister huet de Georges de Budget méi wéi verduebelt. Vun 41 Mio ënnert sengem Virgänger op 87 Mio Euro fir 2026
- De Georges ass Rapportier gi vun engem Gesetzesprojet zur Ëmsetzung vum Gehälteraccord am öffentlechen Déngscht. Et geet drëms, dass och d'Employéë vum Staat ënnert den disziplinaresche Regime vun der Fonction publique falen. Hie wäert och Rapportier gi vum neie Pressegesetz

Dem Georges säi Schwéierpunkt wäert op der sozialer Sécherheet leien.



„Mir hunn e staarke Sozialsystem. Mir mussen elo alles dru setzen, fir deen net nëmmen ze erhalen mee och laangfristeg ofzesécheren.“



LINK OP DE CHAMBER SITE VUM GEORGES MISCHO

„D'GSV steet fir staark, performant an no-halteg opgestallte Spideeler.“





## NATHALIE MORGENTHALER

46, BIELES, POLITOLOGIN,  
1. SCHÄFFIN,  
DEPUTÉIERT

### KOMMISSIONEN:

Vize-Präsidentin vun der  
Kommissioun fir Famill,  
Solidaritéit, Zesummeliewen,  
Gläichstellung an Diversitéit

Member Aarbechtskommissioun

Member Interieurskommissioun

Member Petitiounskommissioun

Member Sportskommissioun

Member  
Institutiounskommissioun

Member Kommissioun fir  
Medien a Kommunikatioun

### CHAMBERAARBECHT:

- D’Nathalie war Spriecherin zur Verfassungsännerung:
  - D’Fräiheet fir all Fra op eng Ofdreiwung ass an der Verfassung verankert ginn. D’Selbstbestëmung vun der Fra soll dauerhaft an onofhängeg dovun, aus wat fir enger Richtung de politesche Wand bléist, geschützt ginn, huet si betount. Et géing ëm eppes Fundamentales goen – de Respekt virun der Decisioun vun enger Fra an enger Noutsituatioun
- Rapportéiert huet si och verschidde Gesetzer am Aarbechtsrecht an an der Innepolitik:
  - Mam Skillsplang gëtt d’Ongläichgewiicht tëschent der disponibeler a gebrauchter Kompetenz um Aarbechtsmaart bekämpft. Et goufe méi geziilt finanziell Ureizer geschafe fir Leit ëmzeschoulen, respektiv hir Kompetenzen ze verbesseren. Besonnesch déi mat den niddregste Qualifikatiounen kréie Perspektive gebueden
  - De Plan de maintien dans l’emploi kritt eng besser Begleedung duerch de Konjunkturcomité an eng besser Finanzéierung duerch de Beschäftigungsfong
  - D’Reform vum System, wéi vill d’Gemengen an de Beschäftigungsfong abezuele mussen, féiert zu méi Solidaritéit
- D’Nathalie ass och CSV-Spriecherin fir Famill, Integratioun a Gläichstellungsfroen
  - Am Kampf géint d’Aarmut gouf een Zouschoss agefouert fir Leit, déi sech d’Altersheem net kënnen leeschten. De Logement, mee och essentiel Servicer wéi d’Wäsch, Telefon oder Televisioun si garantéiert

D’Nathalie wäert besonnesch op d’Ëmsetzung vun deene verschiddenen Aktiounspläng uechten, wéi Aarmut, geschlechtsbaséiert Gewalt oder Anti-Rassismus.

[LINK OP DE CHAMBER SITE  
VUM NATHALIE MORGENTHALER](#)



**D’CSV steet zu enger Aarbechtsmaart-politik, déi net nëmme reaktiv ass, mee och virbeugend wierkt.**



## MICHEL WOLTER

63, KÄERJENG,  
EKONOMIST,  
DEPUTÉIERTEN



### KOMMISSIONEN:

Member Finanzkommissioun

Member  
Institutiounskommissioun

Member Kommissioun fir  
Medien a Kommunikatioun


### CHAMBERAARBECHT:

- De Michel war Rapportier vu verschidde Gesetzer am Steuerrecht, virun allem vun Duebelbesteuerungsofkommes mat ville Länner. Awer och d’Gesetzesännerunge, mat deenen d’Pensiounsreform ergänzt gëtt, huet hien an der Chamber virgestallt:
  - Vun 2026 u gëtt et een Abatement vu 750 Euro pro Mount (maximal 9.000 Euro pro Joer) fir Salariéeeën, déi fräiwëlleg, trotz Urecht op Pensioun, nach weider schaffe ginn. D’Zil ass, Ureizer ze ginn, méi laang am Berufsliewen ze bleiwen, fir dass de reelle Pensiounsentrëttsalter méi no bei de gesetzleche vu 65 Joer geréckelt gëtt
  - De Plafond fir eng privat Zousazpensiounsversicherung steierlech als Spezialdepensen ofsetzen ze kënnen, ass vun 3.200 op 4.500 Euro pro Joer gehuewe ginn
- Als éischt Land an Europa huet Lëtzebuerg e sougenannten Defence Bond erausginn – e Gesetz, wat de Michel rapportéiert huet an der Chamber:
  - D’Depensé fir d’Verdeedegung sollen zum Deel duerch dës Staatsemprunt an Héicht vun 150 Milliounen Euro finanzéiert ginn. D’Bierger kënnen an dës Obligatiounen investéieren an d’Zënse si steierfräi
- De Michel war och driewend Kraaft, fir eng kloer Positioun ze bezéien, fir eise solidaresche Gesondheetssystem ze erhalen an ze stäerken. E System mat verschidde Leeschtungsklassen wäert et zu Lëtzebuerg net ginn: Neen zur Zweeklasse-Medezin

Dem Michel seng Schwéierpunkte wäerten op der Steuerpolitik leien.



**Jidderee gewënnt, kee verléiert - d’Aféierung vun enger eenheetlecher Steierklass ass eng ganz familjefrëndlech Reform.**



[LINK OP DE CHAMBER SITE  
VUM MICHEL WOLTER](#)

# AM DIALOG

**DËNSCHDEG, DEN 12. MEE**  
**18:30 AUER AM INSTITUT**  
**DE FORMATION SECTORIEL**  
**DU BÂTIMENT ZU BEETEBUERG**  
**445 Z.A.E. WOLSER F**

Dir sidd häerzlech invitéiert, fir Iech mat Ärem Premierminister Luc Frieden, Ärem Aarbechtsminister Marc Spautz, Ärem Finanzminister Gilles Roth, Ärer Gesondheitsministesch Martine Deprez a mat Äre Süd-Deputéierten auszetauschen – fräien Entrée, Umeldung net néideg.

- Den Challenge fir Mataarbechter ze fannen
- D'Problematik vun den Aktivitéitszonen
- Déi administrativ Vereinfachung: wat muss nach gemaach ginn?

## MAT EIS DISKUTÉIEREN:

**MYRIAM GONÇALVES,**  
ENTREPRENEUSE, MYRIAM GONÇALVES  
CONSTRUCTIONS

**SYLVIE HANSEN,** ONOFHÄNGEG  
CONSULTANTE, MAUCED S.A.R.L.

**JEAN-MARIE JANS,**  
BUERGERMEESCHTER,  
GEMENG BEETEBUERG

Traduction simultanée en français

CSV an der Chamber  
13, rue du Rost  
L-2447 Luxembourg  
Tel. : +352 47 10 55 1  
Email : [csv@chd.lu](mailto:csv@chd.lu)  
[www.csv.lu](http://www.csv.lu)

Version  
française



KUCKT OCH D'CSV OP SOCIAL MEDIA



AN DER CHAMBER



MIX  
Pabeler | Ennerstëtzt eng  
responsabel Bëschbewirtschaftung  
FSC® C004990

PRINTED IN  
LUXEMBOURG

**myclimate**  
Wirkt. Nachhaltig  
Drucksache  
[myclimate.org/01-24-906817](http://myclimate.org/01-24-906817)